

爲「特進歸忠保順砮鱗黑韓王」。按「黑韓」爲「可汗」之轉音，則此時和闐已非李聖天之後矣。多桑蒙古史稱「當耶律大石西奔時，和闐屬突厥君主馬合謀可汗，」則和闐在十一世紀初期已淪入回教徒之手矣。于闐在羅布之西，高昌在羅布之北，羅布雜居其間。今檢出土文書，無一回鶻文，則西北回鶻勢力不及羅布區域可知。宋王延德使高昌，稱其地南接于闐，西南距大食波斯。宋史外國傳亦云于闐東接吐番，則古之且末鄯善早已統屬於闐矣。及于闐淪入回教徒，而鄯善且末當爲其所統治而改奉回教也，但無甚多之居民與城郭耳。

元至元中，有物擲齊亞商人馬可波羅兄弟東來，朝見元世祖忽必烈，由可失合兒、鴨兒看得、勿炭、培因、車爾成、而抵羅布鎮，至唐古忒州。此道自唐初玄奘返自西域經行南道後，此爲第二次。雖張匡鄴亦曾旅行此道，但僅及于闐而未通過全線。據其所述，「羅布是一大城，爲羅布沙漠之邊境，處東方及東北方間。此城臣屬大漢，居民崇拜摩訶末。在此沙漠中行三十日，抵一城，名曰沙州，即唐古忒州。」據其所述，則自羅布鎮東至敦煌完全爲沙磧。由於此城居民之崇奉摩訶末，則宋元時回教勢力遍及南路，而達於極東之羅布區域矣。時高昌在其北，仍爲回鶻人所據，崇奉佛教，不爲其所薰染，則亦足以證羅布區域衰落，不爲當時人所注意也。自元時馬可波羅記述此城後，又寂寥無聞。至清初，屬準噶爾。及清平準噶爾，而羅布之名復顯於世，以至於現時。

七、清之改縣 據河源紀略卷二十八所述：「雍正元年二月，副將軍阿喇衲奏報：羅布淖爾回人古爾班等率哈喇庫勒薩達克圖哈喇和碩等處戶口千餘人輸城投順。三年，詔與吐魯番回衆移居布隆吉爾沙州瓜州耕種。」據此是雍正初年羅布淖爾尚有千餘戶，但不久又爲準噶爾所據。及乾隆二十三年二月大小和卓木之亂，戶部侍郎阿里克率師追擒巴雅爾，道經羅布淖爾。據回人哈什哈所述，「回民據處於此，凡數十年，有二千餘戶。數經遷徙，餘數百人，以漁獵爲生。前大兵平定吐魯番時，曾遣使召撫。旋爲準噶爾所據。」乾隆二十六年平定準噶爾，回民呈貢仙鶴率其衆六百餘人來降，詔附於吐魯番回王額敏和卓。凡一百八十三戶，一千七十一口，歲納哈什翎百枚，海倫九張。」清同治間，南疆大亂，回民避亂者多雜集蒲昌海左右。流離轉徙，死傷過半，撫遠勞來